



Sondagskool 2

Lestitel: Die weduwee se pennings(muntstukke)

'n Ouerhandleiding

Sondagskooltuisonderrig



Liewe Ouer

Welkom by die les “**Die weduwee se penninge(muntstukke)**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdienst, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensterig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die weduwee se pennings(muntstukke)
Bybelwoord	Markus 12: 41-44
Lesdoelwit	Die kinders leer hoe belangrik dit is om op 'n wyse te offer wat God behaag. God let op hoe ons 'n offer bring.

Lesopsomming:

Die verhaal van die weduwee se muntstukke is uit die boek Markus geneem. Hier leer ons hoe Jesus en sy dissipels, die vele offers wat in die tempel gebring en in die offerkas geplaas is, waargeneem het.

Hulle het gekyk hoe slim, goedgeklede ryk mans groot bedrae geld offer, terwyl hulle op armes neerkyk. Dan het hulle gesien hoe die arm weduwee twee klein kopermuntstukke in die offerkas plaas. Hieruit het Jesus ook sy dissipels geleer en vermaan om nie op haar neer te kyk nie. Hy het genoem dat God in ons harte kyk, Hy wil weet hoe ons offer. Die weduwee het geen aardse besittings gehad nie, en tog het sy alles wat sy gehad het in die offerkas geplaas om dankie te sê vir die bietjie wat sy gehad het.

Die dissipels het skaam na mekaar gekyk en weer iets by Jesus geleer.

Wat beteken hierdie les vandag vir ons?

- God word nie beïndruk deur die rykdom van die wêreld nie; Hy wil hê dat ons uit ons harte moet offer.
- Sommige van ons broers en susters het miskien nie veel nie, maar hulle gee die bietjie wat hulle het prys om aan God 'n offer te bring en Hom te dank - dit maak Hom baie gelukkig.
- Ons kan ook offer deur goeie dade te doen, soos om na bejaardes om te sien, armes te voed, God se huis skoon te maak en dit met blomme te versier.



Sommige vrae wat ons kan vra:

Vraag: Hoe dink jy het die dissipels gevoel nadat Jesus hulle vermaan het?

Antwoord: Hulle het skaam gevoel. Maar hulle het vinnig geleer dat God alle vorme van offers aanvaar as dit uit die hart kom.

Vraag: Wat kan ons as Sondagskoolkinders offer?

Antwoord: Ons kan 10 persent van ons spandeer op 'n Sondag offer. Ons kan ook behoeftiges help / bejaardes help / tyd maak om in die huis van die Here te werk, byvoorbeeld in die koor te sing, 'n instrument te speel, die kerk skoon te maak, met blomme te help - dit alles behaag God en bring vreugde tot God se kinders. .

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.